

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis viginti
mensis Decembris, anno Domini M. DCC. LXX.

M. BARTHOLOMÆO PETRO DE LA NOUE,
Doctore Medico, Præside.

Utrum à gangliis nervi intercostalis partium omnium consensus?

I.



ONSENSUS seu sympathia, apud Medicos, nexus est ille quo partes à se invicem ita pendent ut earum quâlibet (sive sit remota, sive proxima, naturâ & officio similis aut dispar) quocumque modo affectâ, altera idem patiatur. Iis motibus sympathicis nihil frequentius. Undè verè ac meritò dixit Hippocrates (a) *confluxionem unam, conspirationem unam, consentientia omnia esse.*

(a) Lib. de
alimento,
sect. 4^a.

Duo sunt sympathiæ genera; spectat altera passiones, altera verò functiones; hæc est concursus plurium ad eundem effectum & finem; illa autem mutua partium necessitudo, quâ vicissim sibi congaudent & condolent, utpotè frequentior in Medicinâ, maximè spectari debet. Physiologicis hujus-ce consensus causam attentè indagantibus, multiplex, prælucente Anatomia, innotuit, videlicet communio vasorum, cognatio humorum, continuas membrarum, eadem fabrica, paritas officii, textura cellularis, sed imprimis nervi, qui stupendos & mirabiles illos effectus potissimum sibi vindicant, quorum societatis ratio nondum perspicuè expedita fuit.

In corpore humano non eadem ubique est sympathia. Ut (b) à nervis sensibilitas & irritabilitas, sic ab eorum gangliis consensus, qui eò latior erit, quò plura pluribus partibus nervos largiuntur. Minus mirum igitur si quædam partes præ cæteris inter se consentiant.

Ut animæ in corpus imperium & hujus-ce actio in illam celerius æquabilisq; exerceretur, præsertim in partibus à sensorio communi remotis, ganglia ex intervallo interiecta sunt, quæ non solum adjuvando spirituum animalium motum functionibus nervorum subserviunt; sed etiam quod quasi connubium inter partes constituunt; ita ut ubi sunt nervorum ganglia, ibi asse partium consensus.

(b) Quest.
Med. Par.
Auct. à Agill.
Guard de
Villars, ann.
1717.

II.

MOTUS, sensuum & nutritionis, ut doloris, voluptatis & functionum omnium causa sunt nervi; (a) ex fibrarum medullarum fasciculis, rectis, parallelis, distinctis constant; à cerebro & cerebello per medullam oblongatam & spinalem originem ducunt; in suo decursu, texturâ cellulari & durâ-matre seorsim interclusi, per totum corpus disseminantur. Equè ac vasa partes omnes pervadunt nervi, sed non eodem modo; illa oriuntur è trunco communi quæ alia procreant; hi verò fasciatim ab ortu juncti, ad suam quamque partem digredientes à se invicem discedunt; ita ut,

(a) Haller,
primæ II æ
physiæ de cere-
bro.

* Auctore M. Joanne-Stanislawo MITTIE, anno 1764.

quotquot sunt nervi quamlibet exiles, totidem sunt trunculi, quorum nullus alterius est parens nec vicem gerit.

Ganglia sunt corpuscula ovali figurâ, irregulari: substantiâ medullofâ, structurâ intricatissimâ, colore & mole varia; involucria & vasa eadem habent ac nervi è quibus constantur.

Nervus autem intercostalis non modò mirandus functione, sed etiam peculiaris origine quâ cæteris nervis dispar est, pròdit à totidem nerveis furculis quot sunt ganglia intervertebralia, qui ante unamquamque conjugationem vertebrarum, efformant tumorem gangliiformem plùs minùs-ve majorem, habitâ ratione aliorum furculorum illum convenientium, ex quo alii dirivantur trunci ad partes functioni: us omnibus inservientes. Quâ conjunctione necessariò in se invicem agunt totque varii in corpore humano exurgunt sympathiæ effectus (b) Duplex est nervus intercostalis, utrinque jacet unus secundùm râdices apophysium-transversarum viginti quatuor vertebrarum & lateralem partem internâ faciei ossis sacri, per hoc spatium gangliis interjectus. Malè nuncupatur *intercostalis*; meliùs illum ab usu insignivit Winslovius nomine *sympathici magni*, & à Willisio propter originem dictus est, *frutex super alio frudice*. Nihilominùs neuter rem planè attigit.

Propagines nervi intercostalis quidam ejusdem originem esse existimarunt, aliis prætervîsa duntaxat fuere tùm ejus relationes, tùm gangliorum usus; quibus verò hæc totidem cerebella habita sunt, ii rem leviter & strictim videntur delibasse; in gangliis enim nulla sit perceptio, sed eorum ope nervi illa adeuntes & ex iis orti inter se communicant perceptionem sibi mutuò referunt.

III.

NERVI quibus desunt ganglia, nullas partes in consensum trahunt. Accuratâ Anatomies indagazione constat nervos medullæ oblongatæ, præter tertium par, quintum, octavum & decimum, præsertim qui externis sensibus famulantur, nullum inter se, nec mutuum cum cæteris functionibus habere commercium; itâ ut sensus, quibus præsent, illasâ sanitate, depravari tollique possint; quod in cæcis, surdis gustûs & odoratûs expertibus intelligere est: nulla enim in iis deprehenduntur ganglia.

Corpus idiopathicè & sympathicè diversissimè afficiunt morbi: cum omnes sensus sint unicuique ad vitam tuendam & conservandam planè necessarii, sapienter à naturâ comparatum est eos, cum à se, tùm à cæteris partibus, esse disjunctos, ut morbis sympathicis minùs obnoxii forent, & sic raritùs homini deessent. Longè aliter accidit in quâlibet aliâ corporis parte ubi sunt ganglia, quorum ope, altera alterius sensationis particeps evadit: siquidem ramo quem producit ganglium irritato, tùm qui illud adeunt, tùm qui ab eo originem ducunt nervi, eodem modo plùs minùs-ve plectuntur.

Hallucinari mihi videntur qui existimant intercedere societatem cum partibus quibus nullum inest ganglium, quintum videlicet par inter & duram septimi portionem: quod enim in iis phænomeni animadvertitur, alterutri debetur trunco; cujus rami altè intermiscuntur ad sese decussant; quo quidem cæco & multiplici textu quidam decepti, quod unus erat alteri deputarunt. Perindè se habent nervi sine gangliis ac plurium arborum sibi adjacentium râdices, quæ se interfecant & implicantur, nec tamen communis est eorum functio, utrisque ad suam duntaxat originem, hinc succum, inde sensationem referentibus.

IV.

(a) Regarde
sympathia.

PASSIONUM consensus (a) frequentissima species: ejus phænomena ut perspicacibus & attentis lumen præferunt, sic imperitos & incautos in errorum inducunt; undè ipsius cognitionis tùm pro therapeiâ, tùm in diagnosi patet necessitas. Quem etenim, nisi fuerit longo usu edoctus & animalis œconomix non rudis, devium non agerent tot varii sympathiæ effectus? Ne in singulis immorer speciminibus, pauca duntaxat summatim enumerare juvat. Ut plurimum in dentitione difficili adsunt spasmus, convulsio, epilepsia, alvi profluvium, quæ si crebriùs fluxerit, his rarò vel minùs

3
tentantur pueri: coado lacte, vermibus, aere, saburrâ in ventriculo stabulantibus, superveniunt narium pruritus, tussis stomachalis, pleuritis notha, motus convulsivi, intulus epileptici, aponia, hemerania, vertigo tenebriosa, quandoque cæcitas; cum intellina iis afficiuntur, aut quolibet stimulo irritantur, vel eroduntur, similia ferme pariunt symptomata & insuper lurarum spasmodicas contractiones, arthriticos dolores, artuum contracturas vel resolutiones: à nephritide, rene obstructo, vulnerato, ulcerato, caleulo obfesso, fit aurium tinnitus, cephalalgia, vomitus, pectoris dolor & genuum, testiculæ retractio, femoris suppositi stupor, convulsio; eadem patiente jecore, dolet jugulum, pectus, genu, sura: in hysteriis percipiuntur spasmi, clavus hystericus, nausæ, singultus, vomitus, faucium contractio, artuum subul-
tis pedum, vel palmis manuum subito frigore tentatis, catameniorum fluxus supprimitur aut revocatur, sævium tormina abdominis, alvus cietur, misturitur: nervi puncti in vulneribus, semi-fecti, acrioribus irritati rigorem, horrorem, rigi-
tatem, inflammationem, gangrænam; in amputationibus, castratione, anevrismi
operatione vincti singulum, vomitum & convulsiones ereant. Quot tandem & quam
innumerabilia horrendaque symptomata patiuntur cæteræ partes quibuscum consentit
ventriculus, qualia sunt anxietas, frigus, calor, respiratio difficilis, cordis palpitatio,
scotomia, erethismus, convulsiones, epilepsia, apoplexia, paralysis, tetanus, opif-
thoronus, emprosthoronus, circulantium stagnatio, mors, si gravatus, læsus, inflam-
matus à venenis, vel quorundam ingestorum eopia, qualitate, morâ fuerit ipse ven-
triculus. Multa alia in clinicorum observationibus reperire est, quæ de industria præ-
termitto, ne quam par sit fufius differere videar; talis consensus manca est ratio ex
nervorum origine & distributione tantummodo deducta, quibus si adjunxeris usum gan-
gliorum & nervi intercostalis propagines toto corpore diffusas, questionem penitus
solveris. Proprium est nervorum, utpotè animæ ministrorum, ejus mandata ad singu-
las partes, & ipsi rursus impressionem undecumque acceptam illico transmittere; ut
sua eunique nervo peculiaris est origo, distributio & functio, nisi statueretur inter eos
connubium, nullus foret partium consensus; illud constituendo, nodum expedire vi-
dentur ganglia.

V.

NERVI autem intercostalis rami à superiori ganglio cervicali orti ad quintum usque par & sextum excurrentes, diuque ejus radices habiti, sunt totidem furculi, quorum ope, oculi & nares cum pectore & ventriculo consentiunt. Per ramum nervi intelligenda est series aggregatorum nervulorum, qui aciem fugiunt, quos nec assequitur culter anatomicus; quocirca extrema eorum divisio multò latius quam intelligitur patet. Harum-ce propaginum furculus ramo nervi ophthalmici Willisii & alteri tertii paris junctus, ganglium lenticulare constituunt oculi globo proximum, super opicum nervum, quem ramulis suis velut irretitum habet; illumque plus minùs-ve stringendo vertigines, hemeralopiam*, & cæcitatem (a), ægrotante ventriculo, producit; in hemieraniâ quoque eidem ganglio ascribendus est oculi dolor, ut & vicinarum partium aliis minoribus furculis circa tempora diffusis. Narium euni pectore relationem utpotè omnibus notam & perspectam tacebo: non minùs vera est, licet cæca magis & occulta, aurium cum intestinis societas; siue parvum ganglium linguale accipiat à tympani cordâ nervulum, quod etiamnum inter Anatomicos controversitur, siue ad illam mittat, quod quidem argumento à simili deducto probabilius videtur. Quo ganglio ex ramulis nervi intercostalis, maxillaris inferioris & octavi paris unâ coeuntibus conflato; quid mirum si tympani membrana vellicata, acutiori sono percussa, tussim, dentium fridorem, horripilationem pariat, & si aurium habitudo & intestinorum status in se vicissim influant? Alvo enim adstrictâ quibusdâ fit gravis auditus; acutior verò, laxâ. Hujus-ce organi tanta est cum intestinis affi-

* Sympathicè contractis fibris nerveis quas ipsum lentificulare ganglium uveæ impertit, coarctatur pupilla.

nitas, ut, sæviente morbo acuto, crîsis, quam in iis natura molitur, ex furditate superveniente futura prædici queat. Quem consensum jam annotavit Hippocrates (b) dum ait, quibus biliosæ sunt egestiones, furditate superveniente, cessant; & quibus furditas, biliosis supervenientibus, cessat. Et aliàs (c) quibus in febribus aures obsurduerint, alvus exturbata morbum solvit. Interdum foeminae, quarum uterus male afficitur, frigus aut dolorem in posticâ vel superiori capitis parte sentiunt; eo quod ipse nervo accipit ab intercostali, qui etiam ex suo cervicali ganglio superiori & conjunctione cum ganglio decimi paris & ramo primi intervertebralis cervicis truncum maximum occipiti largitur, cujus distributiones ejus laterâ & verticem adeunt. Universalis verò consensus à frequentiori per ganglia nervi intercostalis cum cæteris cognatione repetendus est; cujus unum duntaxat & insigne exemplum afferam, practicis sat notum (d). Ex vomica nonnunquam nascitur ejusdem lateris brachii resolutio, quâ ruptâ, &, ut decet, expurgatâ, solvitur paralytis; quæ quidè à solâ oritur pulmonis distentione thorachica ganglia prementis præsertim superius, quod plexum brachialem ingreditur & brevibus ramis communicat cum sexto cervicali & septimo, & longiori ramo cum quarto è quibus prodeunt brachiorum nervi.

Non nisi gangliis fieri & explicari potest passionum consensus; id præstare nullatenus queunt membranæ, vasa, humores, paritas officii, generis similitudo. Quod verò attinet ad involucrum à durâ-matre datum omnibus corporis partibus, tanquam universalem consensûs causam à Baglivio (e) assignatum, huic implendo officio nec ipsum habile & idoneum haberi debet; dura videlicet meninx immota manet, nec perinde ut quibusdam visa est irritabilis. Ex quo generali consensu credere esset parte quâdam dolore affectâ, cæteras eodem plecti: id autem non ita se habere mirari desinet, qui attenderit ejus effectum sequi, ratione compositâ, ex causâ agente, ex partium idiopathicè & sympathicè laborantium maximè (f) fabricâ & irritabilitate; undè colligi debet in œconomia animali tanta consensûs dissimilitudo.

Cum ubi sunt ganglia, ibi adsit partium consensus, & nervi, quibus desunt ganglia, nullas partes in consensum trahant; nervus intercostalis suarum ope propaginum passim dispersarum, sensationes undecunque perceptas ad ganglia sua, & ex illis ad cæteras partes, quòcunque defert.

Ergo à gangliis nervi intercostalis partium omnium consensus.

DOMINI DOCTORES DISPUTATURI.

M. Carolus-Jacobus-Ludovicus COQUEREAU.

M. Franciscus - Maria LE MOINE.

M. Guido - Andreas GARNIER, in Insulis Goudalupia & aliis adjacentibus, Consiliarius Regis Medicus primarius, nec non in eisdem Pharmacopoliorum & Nosocomiorum Inspector.

M. Joannes-Baptista-Michael BUCQUET.

M. Joannes - Augustinus COUTAVOZ.

M. Laurentius FERRET, Ecclesiæ Cameracensis Canonicus.

M. Ambrosius - Augustinus BELANGER.

M. Dominicus-Joannes-Baptista DE LA BICHE.

M. Joannes-Jacobus BELLETESTE, Antiquus Facultatis Decanus.

Proponebat Parisiis CAROLUS-LUDOVICUS VARNIER, Parisinus, Montpelienfis Ludovici Doctor Medicus; necnon Saluberrimæ Facultatis Medicinæ Parisiensis Baccalaureus, A. R. S. H. 1770. A SEXTA AD MERIDIEM.

Typis QUILLAU, Universi & Facul. Med. Typographi, 1770.

(b) Sect. 4. Aphor. 13.

(c) Sect. 4. Aph. 60.

(d) Observ. Mag. Mali Et. D. M. P. de hæmorrh. med. ind. part. 3.

(e) De fibrâ motrice specul.

(f) Wepferus, fol. 94.